

জীবন পথে

শ্রীকামিনী রায় প্রণীত

কলিকাতা
ইংরাজী ১৯৩০

প্রকাশক—
শ্রীনিবাসলেন্দু রায়, বি-এ,
৪২-এ, হাজরা রোড, বালীগঞ্জ
কলিকাতা

আর্ট প্রেস,
প্রিষ্টার—শ্রীমতেন্দুনাথ মুখার্জি, বি-এ,
৩১বং সেন্ট্রাল এভিনিউ,
কলিকাতা

নিবেদন

শ্রীযুক্তা কামিনী রায়ের অঙ্গকাণ্ডিত সনেটগুলি জীবন পথে
নামে প্রকাশিত হইল। ইহার অল্প কয়েকটি ব্যতীত আর সমস্তই
অনেক বৎসর পূর্বের রচনা এবং রচয়িতার স্মৃতি পুস্তকের গোটাকতক
ছিল পত্রেরই অনুকরণ। সেইজন্তু এগুলি তাঁহার জীবদ্ধায় প্রকাশিত
হয়, তিনি বহুদিন একপ ইচ্ছা করেন নাই। সাহিত্যরসিক দুই
তিনটি বন্ধু ও নিতান্ত আপনার কয়েকটি আভীয় ভিন্ন এগুলির
অস্তিত্বও কেহ জানেন নাই। কেবল ইংরাজী ১৯১৩ সনে একবার
'সাহিত্য' সম্পাদক সুরেশচন্দ্র সমাজপতি মহাশয় তাঁহার পত্রিকার
জন্ম কবিতার প্রার্থী হইয়া আসিলে তাঁহার নির্বক্ষাতিশয়ে বাধ্য হইয়া
সহ-স্বাক্ষার প্রথম ছয়টি সনেট 'সাহিত্য' ছাপাইতে দিয়াছিলেন।
অতঃপর ১৯২১ সনে বিগাত অমণকালে শ্রীযুক্তা জেসিকা ওয়েষ্ট্রেক নামী
জনৈক ইংরাজ মহিলা তাঁহার কোন বাঙালী বন্ধু কর্তৃক আলো
ও ছান্নার কবিতা অনুবাদ করিতে অনুকূল হইয়া আসিবা, এই
সনেটগুলিরই অনুবাদ করিতে ইচ্ছা প্রকাশ করেন। তিনি গত
বৎসর যে একাদশটি সনেটের অনুবাদ পাঠাইয়াছেন তাহা এদেশের
কোন ইংরাজী মাসিকে কিছুদিন হইল প্রকাশিত হইয়াছে।


সহ-স্বাক্ষার ও একলার কবিতাগুলি এক স্বত্ত্বে গ্রথিত
মালার ঘায়; শেষাংশেরগুলি কতকটা অসম্ভব, অথবা ছিলস্তু মালার

আলিত ফুলের মত। এই জন্মই ইহার নাম আরা ফুল হইল।
বস্তুতঃ ‘অক্ষয় প্রদীপ’ হইতে আরম্ভ করিয়া ছয়টি সনেট অশোক
সঙ্গাতেরই পরিশিষ্ট। ঈত

প্রকাশক।

কলিকাতা

১০ই জানুয়ারী, ১৯৩০



 বঙাবাসী
 কল্ললিক সংবাদ

প্রথম ছত্র	পৃষ্ঠা
------------	--------

আঁচল ভরিয়া আনি নানা পত্র ফুলে	৮
আজ কিছু স্মৃধায়োনা ঘোরে	১
আপনারে বারবার বিরলে স্মৃধাই	১৪
আমারে কেমনে আমি খুলিয়া দেখাই	২৪
আমি স্বপনের রাজ্যে অর্ম নিশি দিন	৪
এত দিন পরে ঘোরে হেরিলে, শোভন	১৭
এ নহে সে মান, প্রিয়, কিশোরী কিশোর	২০
কবিতা সঙ্গীত সম ছন্দে আর ঝরে	১৮
কহিহু—সার্থক হোক তোমার প্রণয়	৬
কহিলে—তোমারি তরে এসেছি আবার	৩
কহিলে—প্রণয়ে ঘোর কর গো প্রত্যয়	৫
কি আব কহিব আমি, যদি অবসান	১৬
কি পেয়েছি, কি দিয়েছি, লয়ে কি সঞ্চয়	১০
গান শুনে তবে ঘোরে ভালবেসেছিলে	২৩
চলিয়াছি এক সাথে, তবু যদি বাজে	১২
আনিনা, অচেনা পথ চলিতে চলিতে	২২

প্রথম ছত্র		পৃষ্ঠা
তবু হাতে থাক হাত, চলি পাশাপাশি	..	১৫
তোমারে বেদনা দিতে চাহি নাই আম	...	২১
দূরে ছিল, প্রাণপণ সাধনার ফলে	...	১
দূর হতে যবে মোরে ভালবাসা দিতে	...	২
পড়িতে চাহিনা বাঁধা বাসনার পাশে	...	১৯
ফুল যবে ফোটে ভরি উজ্জ্বান, কানন	...	৯
আবগের কংসাবতী প্রাবি দুই তাঁর	...	১১
হাতে রহিয়াছে হাত, শিথিল বন্ধন	...	১৩
হে সহ্যাত্মিন, আজ দ্বাদশ বৎসর	...	২৫

২। একলা - ১১

আর নাহি মাঝখানে কিছু দুজনার	...	৩৬
চিরদিন শাস্তিহীন, পরিশ্রান্ত দেহ	...	৩০
তখন চক্ষের দেখা দেখিয়াছ, ধীর	...	৩৫
দার্ঘ সপ্তদশ বর্ষ আসিয়াছি চলি	...	৪৪
প্রয়তন, বিছেদের আছে অবসান	...	৪৫
ভুলিবার ভুলাবার কোথা অবসর	...	৪০
মাগিয়াছি দেবতার কাছে প্রতিদিন	...	৪১
বাণীর মন্দির হতে ডেকে নিয়ে এলে	...	৪৩
ব্যথা যদি দিয়ে থাক শতগুণ তার	...	৪৯
বিশঙ্গ যজ্ঞ করি হয়েছে ভিথারী	...	৪৮

প্রথম ছত্র		পৃষ্ঠা
যত প্রেম, যত মান তুমি ঘোরে দিলে	...	৩৭
যথাকালে না পৌছিলে ঘোর লিপিখনি	...	৩৪
যখন দুর্গম পথ চলেছি দুজন	৩২
যে দেশে গিয়াছ তুমি, ইলেও নৃতন	...	৩১
শোকেও ছিল না তব বিরাম কর্ষের	...	৩৩
সন্ধ্যা আসিতেছে লয়ে কেবলি আঁধার	...	২৯
সমাপ্ত তোমার পাঠ না ফুরাতে বেলা	...	৪২

৩। ঝরা ফুল - ২২

অভিমানে অবিনীত আমার হৃদয়	..	৫৭
আয় স্নেহময়ি, তুমি ছাড়ি ধরাধাম	...	৫৬
আমার অন্তরে ছিল কি যে লজ্জা ভয়	...	৭০
একটি শিশুর হাসি যেন মায়াজালে	...	৫১
ওগো সতি, গৃহলক্ষ্মী, গৃহ শৃঙ্খ করি	...	৫৪
কত রূপে করি পূর্ণ এ ধরণী তলে	...	৬৪
কোমল মায়ের বুকে হানিতেছ অসি	...	৬৯
গাছের যে পাতা ঝরে, মৃত্যু হয়ে পার	...	৬৩
চাহিতে আসিনি আজ, এসেছি গো দিতে	...	৫৯
জীবনের স্বধাপাত্র নিঃশেষে ভরিয়া	...	৫৬
তব কাছে, হে অনন্ত, দূর কাছে নাই	...	৬০
পূর্ণিমে, হে মন্ত শেষে শুভ পূর্ণিমায়	...	৫২

প্রথম ছত্র		পৃষ্ঠা
পেয়েছিলু আশীর্বাদ করেছিলু আশা	...	৪৯
প্রতিবেশী গৃহে আজ দুর্হিতার বিমা	...	৬৬
ভাস্কর বা হইতাম ঘনি চিন্দকর	...	৬১
মাঘের চতুর্থ দিন এল আজ ফিরে	...	৬৫
যত দাও, অযাচিত আনন্দে আশায়	...	৬৮
বহু দুঃখ দেছে বলি করি অভিমান	...	৫৮
বসন্ত কি সহসা এ নির্জন আবাসে	...	৬২
বিশাল হৃদয় হতে ওকি হাহাকার	...	৫৫
সুচরিতে, মাঝে মাঝে ইহাদের পানে	...	৬৭
হয়তো করেছি ভূল, স্বপ্নাকূল মন	...	৫০

জীবন পথে

—
১

সহ-শান্তি

•

জীবন পথে সহ-স্মরণ

১

দূরে ছিলু, প্রাণপণ সাধনার ফলে
আনিলে নিকটে মোরে। কোন্ ইন্দ্রজালে
দেখেছিলে দেবপ্রভা মানবীর ভালে ?—
চেলে দিলে, অযাচিত, এ চরণ তলে
তোমার সর্বস্ব ? শীত উন্নত অচলে
কঠিন তৃষ্ণার ছিলু, ধরায় নামালে
গলাইয়া বিন্দু বিন্দু ; দেখি শেষকালে
শক্ত নহি, শুভ নহি, পরিণত জলে ।

এ জলে তোমার তৃষ্ণা কর পরিহার,
সমূলে সংহার কর মোর লাজ ভয় ;
অচেনা এদেশ, আমি লুকাইতে চাই
তোমার হৃদয় গেহে। কি কহিব আর,
ছুটিলে এ ইন্দ্রজাল, টুটিলে প্রণয়
মোর তরে নাহি আর দাঢ়াবার ঠাট ।

২

দূর হ'তে যবে মোরে ভালবাসা দিতে,
 বলেছি সহস্রবার,— করি না প্রত্যয়
 প্রেমের স্থায়িত্বে আমি ; কভু নাহি সয়
 নৱ ভাগে এত স্মৃধা ।—কাতরে মাগিতে
 নিত্য তুমি প্রেম মম, আমি শান্ত চিতে
 ফিরায়ে দিতাম তোমা । কিসে যে কি হয়
 কে বলিতে পারে কিন্ত । কালে পায় ক্ষয়
 কঠিন পর্বত দেহ শিশিরে বৃষ্টিতে ।

তোমার প্রতিজ্ঞা ব্যর্থ করেছে আমার
 বিজ্ঞতা ও অভিজ্ঞতা । একদা প্রভাতে
 ছঃস্বপ্ন পীড়িত চিন্ত, কি বেদনা তরে
 উঠিলাম ; বাহিরিতে খুলি গৃহ দ্বার,
 সমুখে দেখিমু তোমা ; হাত রাখি হাতে
 পুছিমু—এসেছ পুনঃ এজনেরি তরে ?

৩

কহিলে—তোমারি তরে এসেছি আবার।
 যত ফিরাইয়া দাও, হয় দৃঢ়তর
 তত আকর্ষণ তব। নিরাশার পর
 আবার জেগেছে আশা, ঠেলি অঙ্ককার
 জাগে যথা উষা নিত্য। দেখ চারিধার
 কি আলোক, কি সঙ্গীত ; দেখ কি শুন্দর
 জীবন-তরঙ্গ-রঙ ! ছঃস্বপ্ন কাতর
 কে রহে দিবসে, ঢাকি আঁধি আপনার ?

এই শুভ দিবালোকে চল হজন্মায়
 খুঁজি জীবনের সিদ্ধি। বিশাল জগৎ ;
 প্রেমের আনন্দগীত, কর্ষ কোলাহল,
 স্মৰের হংখের শ্রোতঃ কত বহি যায়
 পাশাপাশি। চল যাই, ধরি প্রেমপথ,
 হজনে লভিয়া প্রাণে হজনের বল।

৪

আমি স্বপনের রাজ্যে ভিমি নিশি দিন,
 ঘন অঙ্ককার কিবা রৌদ্র অতিশয়
 সমান ছঃসহ মম। আমাৰ হৃদয়
 অফুট কামনা ভৱা ; গোধূলি বিলৌন
 ক্ষুদ্র তাৱকার মত শত আশা ক্ষীণ
 জলিতেছে খুঁজি এক অটল আশ্রয়।
 তোমাৰ আমাৰ পথ হয় কি না হয়
 একদিকে, বিচারিয়া দেখ হে প্ৰবীণ।

পিপাসিত তুমি যার তৰে, সে প্ৰণয়
 আমি কি পাৱিব দিতে মিটায়ে পিয়াস ?
 পাৱিব কি চিৱদিন ধৰি এক পথ
 চলিবাৰে একসাথ সদা নিঃসংশয় ?
 জাগিবেনা চিত্তে তব নব অভিলাষ
 পূৰ্ণ হলে আজিকাৰ এই মনোৱথ ?

৫

কহিলে—প্রণয়ে মোর করগো প্রত্যয় ;
 বারবার প্রত্যাখ্যাত, আসি বারবার ;
 সকল আশাৰ মম, সৰ্ব কামনাৰ
 সিদ্ধি তব প্ৰেমলাভ, জানিও নিশ্চয় ।
 তোমাৰ হৃদয়ে প্ৰেম নাও যদি রয়,
 আমাৰ এ প্ৰেম গিয়া কৱিবে সঞ্চাৰ
 তোমাতে কনক শিখা ; সুন্দৰ সংসাৰ
 হেৱিবে সুন্দৰতৰ, গীতি-গীতি-ময় ।

জাননা প্ৰেমেৰ ধৰ্ম ? যথা দাবানল
 কাননেৰ কোন আস্তে শুষ্ক তকু শাখে
 অলিয়া, বৰ্কিত তহু সৰ্বদিক্ ধায়,
 সৱস নৌৱস তকু, লতা গুল্মদল
 অনল কৱিয়া লয়, কিছু নাহি রাখে,
 এ প্ৰেম লইবে তথা তোমাৰ হিয়ায় ।

জীবন পথে

৬

কহিনু—সার্থক হোক তোমার প্রণয়।
 তুমি আপনারে দিয়া যদি সুখ পাও,
 আমাতে যা আছে যদি তাই শুধু চাও,
 তোমার অতৃপ্তি, মোর অপূর্ণ না হয়,
 তবে আমি ত্যজিলাম ভবিষ্যের ভয়।
 বিশাল হৃদয় তব, যদি পার তা'ও
 করগো বিশালতর, তাহে স্থান দাও
 সব দোষে গুণে মোরে, হোক তব জয়।

বহু ভার বহে নারী, বহু কষ্ট সহে,
 কেবল নিজের ভার ছর্বিহ তাহার,
 এ বোৰা নামায়ে লাও। চল মোর আগে
 দেখাইয়া পথ মোর। যদি অক্ষ বহে,
 ঢাকে আঁখি, করস্পর্শে করিও সঞ্চার
 নব দৃষ্টি, দীপ স্পর্শে দীপ যথা জাগে।

৭

আজ কিছু সুধায়োনা মোরে,
 ভাবিতে দিওনা কোন কথা,
 গত, অনাগত, হংখ ব্যথা
 জাগায়োনা । থাকি ঘুমঘোরে,
 বাঁধা তব দৃঢ় বাহু ডোরে ।
 এ আরাম, শান্তি, মধুরতা
 জাগ্রতে মিলেনা যথা তথা ;
 স্বপ্ন যদি তবু রাখি ধরে ।

ছটি তরী, বাঁধা পাশাপাশি,
 ভেসে যাই স্বপ্ন সাগরে,
 লক্ষ্য করি অনন্ত জীবন ;
 নেত্রপথে উঠিতেছে ভাসি
 নব তারা, নব নভস্তরে,
 অতলে ডুবায়ে পুরাতন ।

জীবন পথে

৮

আঁচল ভরিয়া আনি নানা পত্র ফুলে
 সাজাই আলয় যবে, নিভৃত হৃদয়
 ফুলের সৌরভে মোর সুরভিত হয়
 অঙ্গুলিপু উষালোকে । দেখাইতে খুলে
 পারি না তাহারে, মৌন চাহি মুখ তুলে ।
 নীরবে হউক চক্ষে চিন্ত বিনিময় ;
 যে মালা পরাই কর্ছে কথা যেন কয়
 অস্তঃকর্ণে, ভাষা আমি যাই যবে ভুলে ।

নিজায় স্থৰের স্বপ্ন যদি কভু আসে
 জেগে উঠে সব তার না রঘ স্মরণে,
 জাগ্রত প্ৰেমের চক্ষে যে স্বপন ভাসে
 মধুময়, ফেরে সাথে চৱণে চৱণে
 সারাদিন । আসে যদি 'অদৃষ্ট' আকাশে
 বজ্জ, এ স্বপন তবু রবে মনে ।

৯

ফুল যবে ফোটে ভরি উত্তান, কানন,
 পাথী যবে গাহে গান সহকার শাখে,
 যদি ভুলাইয়া কাজ মোরে ধরে রাখে ;
 যদি স্লিঙ্ক রশ্মিজালে টেনে লয় মন
 জ্যোৎস্নাহীন রজনৌর তারা অগণন ;
 উদিয়া গগন-প্রান্তে যদি মোরে ডাকে
 রাঙ্গা শঙ্গী, বনস্পতি-পল্লবের ফাকে
 উকি দিয়া, আজমের বন্ধুর মতন ,—
 মোরে সথে দিও ছুটী হৃ-দণ্ডের তরে ।
 কাহে যা ভুলিতে তারে চেষ্টিত এ নহে ।
 আমি চাহি ফুলননে করি' বিচরণ
 ফুলের সৌরভে মোর দেহ মন ভরে ;
 জ্যোতিষ্কের অঁধি হ'তে যে অমৃত বহে
 পিয়া, দূরতার বাধা হই বিশ্঵রণ ।

১০

কি পেয়েছি, কি দিয়েছি, লয়ে কি সংক্ষয়
 চলেছি, কেন সে চিন্তা ? কি হইবে জানি
 কতখানি স্বপ্ন, আর সত্য কতখানি ?
 জীবনের আগ্রোপান্ত জাগরণ নয়,
 সমস্তই নহে স্বপ্ন। তাও যদি হয়,
 ক্ষতি কি ? একান্তে হেথা মোরা ছটি প্রাণী
 পরস্পরে পরিতৃপ্ত, সর্ব দুঃখ প্রানি
 মুছে গেছে প্রেম-স্পর্শে, ঘুচে গেছে ভয়।

মোরা আসি নাই হেথা বহিবারে ভার,
 দিনের মজুরী লয়ে, ধনীর আলয়ে
 খাটিতে ঘর্ষান্ত ক্লান্ত ; জীবন উৎসবে
 আদৃত অতিথি মোরা বিশ্ববিধাতার ;
 অমৃত পড়িলে পাতে পিয়া নিঃসংশয়ে,
 কহিব—মানবভাগে অমৃত সন্তবে।

১১

ଆবণের কংসাবতী প্লাবি ছই তৌর
 চলিয়াছ কি আবেগে ! নব জলরাশি
 শুক্ষ খাতে যেই দিন দেখ। দিল আসি,
 নিশ্চয় জাগিয়াছিল ব্যথা সুগভীর,
 পাবার আনন্দসাথে নিজ দৌর্ঘ ধৌর
 প্রতীক্ষার কথা ভাবি। চন্দমার হাসি
 উঞ্জে হেরি, উৎসবের শুনি শঙ্খ বাঁশী
 শান্ত কি বেদন। আজ ?—অন্তর সুস্থির ?

নহ স্থির, নহ শান্ত, হে বিপুল। নদী,
 চলিয়াছ অহরহ ফৈত বুকে ভরি
 গ্রহণের বহনের অতিরিক্ত দান ;
 সেও যে বিষম ব্যথা। দিতে পার যদি
 পথে আর যাত্রা শেষে, সর্বস্বান্ত করি
 আপনারে, এ বেদন। হবে অবসান।

১২

চলিয়াছি একসাথে, তবু যদি বাজে
 তোমার শ্রবণে গৃঢ় কর্তব্যের বাণী,
 যার ভাষা, যার মর্ম আমি নাহি জানি,
 দাঁড়ায়েনা মোরে চাহি দ্বিধা-ভয়-লাজে ।
 ধর্মের সঙ্গিনী আমি, কোন পুণ্যকাজে
 জেনো নাহি দিব বাধা । আপনারে টানি
 লয়ে যাব পাশে পাশে, পারি যতখানি ;
 না পারি একেলা বসি রব পথমাখে—
 আবার মিলিতে সাথে । মোরা ছইজন
 জীবনের দীর্ঘপথে এক লক্ষ্য স্মরি,
 চলিয়াছি, প্রেমে যুক্ত ; কেহ কারো পায়ে
 বাঁধি নাই দাসত্বের কঠিন বাঁধন ।
 আমি যবে তুলি ফুল তুমি ধৈর্য ধরি
 একটু দাঁড়ায়ো, সখে, মোর প্রতীক্ষায়ে ।

১৩

হাতে রহিয়াছে হাত, শিথিল বন্ধন,
 কণ্ঠের মালতীমালা ক্ষীণগন্ধ, মান,
 সহসা থামিয়া গেছে অসমাপ্ত গান,
 নয়নে জর্মিছে মেঘ, ভেঙ্গে আসে ঘন ;—
 একি স্বপ্ন শেষ, কিবা একি দ্রঃস্বপ্ন ?
 জীবনের বসন্ত কি হ'ল অবসান ?
 একি নিরাঘের ঝালা ? এটা কোন স্থান,
 কোন কাল ? মোরা বসি কারা দুইজন ?
 কোন পথে চলেছি এ ? করেছ কি ভুল ?
 কোন দিকে দৃষ্টি তব, ওহে প্রিয়তম ?
 কোথা হ'তে বহি গেল অমঙ্গল বাত
 চক্ষে উড়াইয়া ঘন সংশয়ের ধূল ?
 বিরস দিবস নিশা করি অতিক্রম,
 কত দূরে ঘেতে হবে হাতে বাঁধা হাত ?

১৪

আপনারে বারবার বিরলে সুধাই—
 এই কি প্রেমের রৌতি ? প্রেমের উচ্ছুস
 এমনি শিথিল গতি, নিরাশ, উদাস ?
 প্রেমে শান্তি, কর্মে সুখ, কভু এক ঠাঁটি
 রহে না কি ? প্রেমের কি এত শক্তি নাই,
 ক্ষুড় ক্ষুড় দুঃখ তাপ করিয়া বিনাশ
 প্রতি দিবসের, স্থির রাখে বারমাস
 কর্ম ক্লান্ত মানবেরে ? যত প্রেম চাই
 জুড়াইতে তপ্ত হিয়া, তাড়াইতে ভয়,
 হয়না মানবে তত ? তবে এ ধরায়
 দুটি প্রাণ—কাছাকাছি থাকে, কিবা দূর—
 পূর্ণ মিলনের তরে কভু স্ফুর্ণ নয় ;
 যে যার আপন ভার বহি চলে যায়,
 বিরহ ব্যথিত চির, চির তৃষ্ণাতুর !

১৫

তবু হাতে থাক্ হাত, চলি পাশাপাশি,
 এক পথে, এক হংখে হংখৈ দুইজন ।
 আর কিছু নাই হোক, করণ-বন্ধন
 বাঁধুক দেঁহারে । যদি কুহেলিকা আসি
 সম্মুখ পশ্চাং ফেলে একেবারে গ্রাসি,
 না পাই খুঁজিয়া পথ, দুটি ভৌত মন
 পরস্পরে আগুলিয়া করিবে যাপন
 নিবিড় সংশয় রাত্রি—যেন ভালবাসি ।

স্বদীর্ঘ দুর্গম পথে যেই সঙ্গী থাক্
 সেই আপনার জন ; স্বদেশীর ভাষ
 বিদেশে প্রবাসী কর্ণে কত না মধুর !
 যাক্ প্রেম, যাক্ সুখ, আশা ভেঙ্গে যাক্,
 তবুতো রয়েছে স্মৃতি নাহি যার নাশ,
 তবে কাছাকাছি থাকি, নহে দূর দূর ।

১৬

কি আর কহিব আমি, যদি অবসান
 হয়েছে প্রেমের তব । জানেন ঈশ্বর
 তোমারেই করেছিলু একান্ত নির্ভর ;
 অসৌম বিশ্বাস তরে দেহ মন প্রাণ
 বরমাল্য সনে তোমা করিয়াছি দান ।
 আমা হতে আর কিছু আছে প্রিয়তর—
 হ'তে পারে—হেন তথ্য ছিলনা গোচর ।
 হায়রে অতৌতে আজ তাসে বর্তমান !

তুমি যা বলেছ, আমি লইয়াছি মানি
 ক্রুব সত্যাঙ্গপে, প্রিয় । আমি যে দুর্বল,
 আমি কাঙ্গালিনী, শেষে স্নেহ ভিক্ষা করি
 কাঁদিব তোমার দ্বারে তখন কি জানি ?
 তুমি কি জানিতে, যবে তপ্ত অশ্রুবারি
 ঢালিতে একান্তে বসি এ চরণেপরি ?

১৭

এত দিন পরে মোরে হেরিলে, শোভন,
 স্বরূপে। স্বপন আর কাণ্ডি কল্পনাৱ
 আমা হতে গেছে সৱে'। বিস্তৌর্ণ ধৰাৱ
 কোটি মানবেৱ মধ্যে আমি একজন,
 ক্ষৈণ বল, নত তন্তু, বহি অনুক্ষণ
 বিফল, বিপুল শত কামনাৱ ভাৱ।
 আমাতে আনন্দ তুমি লভিবেনা আৱ,
 হায়ৱে, মানব-প্ৰেম অঙ্গিৰ এমন !

অনেক বলেছ কথা, বিফল-স্মৰণ,
 বিলাপে রোদনে আজ কোন ফল নাট ;
 এখনও রয়েছে বেলা, উজ্জ্বল জগৎ ;
 যে মঙ্গলমালা দিয়া কৱেছ বৱণ,
 তাৱি গঙ্কটুকু লয়ে আমি দূৱে যাই,
 বুৰো লও ইষ্ট তব, চিনে লও পথ।

১৮

কবিতা সঙ্গীত সম ছন্দে আর স্বরে
 ভরে নাই এ জীবন, স্বরের স্বপন
 উঠে নাই সত্য হয়ে ; নিষ্ফল বপন
 অজস্র আশার বীজ । কল্পনার পুরে
 প্রতিষ্ঠিত যেই প্রেম, সে যে বহু দূরে
 মানবের গৃহ হ'তে ; চন্দমা তপন
 ধরা হতে যথা দূর ; করি প্রাণপণ
 যে ছোটে ধরিতে, সে তো মরে শুধু ঘুরে ।

যে আলো আরাম চাহি বাঁচিবার লাগি
 পেয়েছে, হৃদয়, বেশী কেন চাহ আর ?
 জীবনের গৃঢ় শিক্ষা লহ এইবার—
 আসিয়াছ অনেকের সুখ-হৃৎ-ভাগী,
 সহায়, সেবকরূপে । নিজস্ব কে কার ?
 কে কার প্রেমের লাগি ফিরে সর্বত্যাগী ?

১৯

পড়িতে চাহিনা বাঁধা বাসনার পাশে,
 বেড়াইতে চাহি আমি একান্ত স্বাধীন,
 তবুও হৃদয় মোর দৌর্য রাত্রি দিন
 এই পাঞ্চশালা পানে ফিরে ঘুরে আসে ।
 আজ যাক । কাল তপ্ত উদাস বাতাসে
 দিবা যবে গোধূলিতে হইবে বিলীন,
 বাতির হইব আমি, বাধা-বন্ধ-হীন,
 সংসারের রাজপথে আপন তলাসে ।

কেন এসেছিমু হেথা, শুনে কার ডাক ?
 সে কি দাঁড়াইবে কাল তপ্ত অঞ্চ দিয়া
 পিছ্ছিল করিয়া মোর সম্মুখের পথ,
 অথবা বলিবে—যদি যেতে চাহে যাক ;
 ভুল করে একদিন এনেছি ডাকিয়া,
 হায়রে, সংসারে কোথা পূরে মনোরথ ?

২০

এ নহে সে মান, প্রিয়, কিশোরী কিশোর
 যেই লুকাচুরি খেলা প্রেম লয়ে খেলে ;—
 চায় বুকে তুলে নিতে, যায় পায়ে ঠেলে,
 দুঃখেরে জানায় কোপ। নিশা হলে ভোর
 কাদে ঘৃত-পুত্রা হেরি শিশু-হীন ক্রোড়
 যে ব্যথায়, এ যে তাই। ফিরে নিদ্রা গেলে
 ভাঙ্গা আনন্দের স্বপ্ন আর নাহি মেলে।
 কি নিষ্ঠুর জাগরণ, সত্য কি কঠোর !

তবু সত্য ভাল। দুই বাহু বক্ষঃমাঝ
 অস্ত্রেরে চেপে ধরে থাকা কিছু নয় ;
 স্বপ্ন হ'তে যদি হেথা জাগিতেই হয়
 প্রভাতেই জাগা শ্রেয়ঃ। যদি কোন কাজ
 ঘরের বাহিরে থাকে, জীবনের লাজ
 তাই দিয়ে ঢেকে দিব, থাকিতে সময়।

২১

তোমারে বেদনা দিতে চাই নাই আমি
 ওগো প্রাণ-প্রিয় ! যদি দূরে যেতে চাই
 তাহাও তোমারি লাগি । জীবন বৃথাট
 সে নারীর, সক্ষটে কি শোকে ছঁথে স্বামী
 দাঢ়ায় একাকী ঘার । যেতে হলে নামি
 আধার পাতালপুরে, যাইব সেথাট,
 রহে যেথা সর্প শত—আছে কিম্বা নাই
 মণি কি অমৃত ভাবি দাঢ়াবনা থামি ।

প্রেম ভরে ধরি হাত যদি যাও লয়ে,
 কণ্ঠক সঙ্কুল পথ হবে পুষ্পময়
 মোর তরে ; শুশ্রেসম স্নেহদৃষ্টি তব
 আমার জীবনাকাশে শুভ্র জ্যোৎস্না হয়ে
 ঘুচাইবে অঙ্ককার নিবিড় সংশয় ;
 তুমি যদি সুখে থাক আমি সুখে রব ।

২২

জানিনা, অচেনা পথ চলিতে চলিতে
 কি দেখিতে কি দেখেছি, কি করেছি ভুল,
 সংশয় মথিত-প্রাণ, ব্যথিত ব্যাকুল,
 কি কথা বলেছি ফেলে কি কথা বলিতে ।
 জানি শুধু কোন দিন চাহিনি ছলিতে
 তোমারে বা আপনারে । আজ প্রতিকূল
 ভাগ্য তব ; ছঃখ পথে উপাড়ি আমূল
 দিনু মোর অভিমান চরণে দলিতে ।

হে আমাৱ বৌৱ, আজ শ্রান্ত তব শিৱ
 রাখ এ দুৰ্বল স্ফৰ্কে ; তপ্ত অক্ষ সাথ
 গলিয়া বাহিৱ হোক্ বেদনা কঠিন ;
 আজ অন্ধকাৱ রাত্ৰে তব সঙ্গিনীৱ
 দৃষ্টি হোক্ তব দৃষ্টি ; হাতে দিয়া হাত
 চল ধৈৱে, দেখা দিবে কাল শুভদিন ।

২৩

গান শুনে তবে মোরে ভালবেসে ছিলে,
 সে ভালবাসায় জানি ছিল অধিকার
 আগে গীত মাধুর্যের পরে গায়িকার ।
 কালে যবে বধূরূপে বরিয়া আনিলে,
 তোমার সর্বস্ব যবে বিনা পথে দিলে,
 আসিল, খুলিয়া কন্দ হৃদয়ের দ্বার,
 প্রীতি, শুভ্রতি, আশা, ভৌতি, যা কিছু আমার
 নৈরব গভীর শ্বেতে ;—কিছু কি জানিলে ?

ওগো প্রিয়, দুঃখ যথা, স্মৃথ অতিশয়,
 অতি প্রীতি রোধে বাণী, বাধা দেয় গীতে ।
 কি করিব নাহি জানি । নৈরব হৃদয়
 গাহে যাহা, শোন নামি হৃদয় নিভৃতে ।
 গান যারে জন্মাইল, জাগাইল যারে
 ভয় হয় মৌন আমি হারাইবা তারে ।

২৪

আমারে কেমনে আমি খুলিয়া দেখাই,
হায়রে সমস্ত মোর দেখাবার নয় ।
কূলে কূলে আছাড়িছে যে তরঙ্গচয়
সাগরের গভীরতা নাই, তাতে নাই ।
দৃষ্টি বাণী, হাসি অশ্র—চাই কিনা চাই
দেখাইতে—ধরা পড়ে ; তাহাতে কি হয়
তরঙ্গিত অন্তরের পূর্ণ পরিচয় ?
কে তার আভাস দিবে অতলে যে ঠাই ?

হে মৌন ঈশ্বর, এই বিচিত্র বিশ্বের,
হে রূপ্ত, সুন্দর শ্রষ্টা অপূর্ব সৃষ্টির,
রাখিয়াছ সঙ্গেপনে যথা আপনায়,
জড়ের জীবের তথা, দৃশ্য অদৃশ্যের
অনেক রেখেছ গুপ্ত, অতীত দৃষ্টির ;
এ যে গো তোমারি লৌলা, কি করিব হায় !

হে সহযাত্রিন्, আজ দ্বাদশ বৎসর
 পূর্ণ হ'ল, হাতে হাত করিয়া অর্পণ,
 বাহিরিল্লু জীবনের পথে দুই জন,
 আশাভরে, পাশাপাশি ; সেট যুক্ত কর
 আচে যুক্ত, ঢালিতেছে সেই শশধর
 রজত কিরণ শিরে ; মান তবানন
 নিভৃত মমতারাশি করি আকর্ষণ
 নৃতন জোয়ারে মোরে করিছে মুখর ।

আজ আমি মনে মুখে চাহি জানাইতে
 আমার সমস্ত প্রেম ; ত্যজি ভয় লাজ,
 আমার হৃদয় পাতি আজ চাহি নিতে
 সমস্ত হৃদয় তব ; তুমি এস আজ,
 পুরাতন সঙ্গী, স্বামী, ধর বরবেশ,
 তোমারে নৃতন করি বরিব প্রাণেশ ।

ডাকবান্দলা,
 বনগ্রাম, ঘোহর
 আগষ্ট, ১৯০৬ ।

জীবন পথে

২

একলা

জীবন পথে

একলা

১

সন্ধ্যা আসিতেছে লয়ে কেবলি আধার,
পথপানে চাহি আমি শুন্দি নিরাশায়,
জীবনের সাথী মোর গিয়াছ কোথায়,
আমার এ শৃঙ্গগৃহে ফিরিবেনা আর,
আমার এ হৃদয়ের বেদনার ভার
বহিতে হইবে একা। বিরহ ব্যথায়
এত যে কাতর ছিলে, স্নেহ মমতায়
গেলে কি ডুবায়ে চির-বিস্মৃতি মাঝার ?

সেথা হতে যদি তব আকুল নিশ্চাস
পশিত শ্রবণে মোর, তব অশ্রুধার
আসিয়া করিত সিক্ত তপ্ত বক্ষস্থল,
কত না সান্ত্বনা হ'ত ; কত না বিশ্বাস
সংশয় ঘুচায়ে দিয়া এপার ওপার
করে' দিত কাছাকাছি, প্রাণে দিত বল ।

কলিকাতা
অক্টোবর, ১৯০৯।

২

চিরদিন শান্তিহীন, পরিশ্রান্ত দেহ,
 অতিশয় মমতায় ব্যথিত জীবন,
 মৃত্যু-পরপার-নৈত যদি বিস্মরণ
 হয়ে থাক একেবারে ধরণীর স্নেহ.
 যদি মেঠা লভি থাক আরামের গেহ,
 তাহাও সান্ত্বনা মম। আপন বেদন
 স্বেচ্ছায় বহিব আমি, তব দেহ মন
 ব্যথা-মৃক্ত বুঝাইতে পারে যদি কেহ।

তুমি নাই এ চিন্তায় যে অসহ শোক,
 তার মত মর্মঘাতী কিছু নাই আর ;
 বলে যাও, তুমি আছ, করিছ স্মরণ
 অতীতে অতীত-তাপ, নবীন আলোক
 দেখাইছে গত দুঃখ মঙ্গল-আকার,
 দেখাইছে অমৃতের সোপান মরণ।

৩

যে দেশে গিয়াছ তুমি, হলেও নৃতন,
 সেথা যেতে আর মম নাহি কোন ভয়,
 আমি যাইবার আগে প্রবাসে আলয়
 সাজায়ে রাখিতে তুমি, করিয়া যতন,
 করিয়া রাখিতে মোর মনের মতন
 প্রতিদ্রব্য, প্রতিকঙ্ক পত্র পুষ্পময় ;
 যেই অভ্যর্থনা শুধু নববধূ পায়,
 প্রতি মিলনের দিনে দিয়াছ আমায় ।

কর্মক্লান্তি তুচ্ছ করি কভু দিবাশেয়ে,
 গভীর নিশ্চীথে কভু শয্যা পরিহরি,
 আমারে এসেছ নিতে করি প্রত্যাদ্যান ;
 আজ যদি আসে মৃত্যু অজানা ওদেশে
 নিয়ে যেতে, তুমি আগে দৈপ হল্সে করি
 আসিবে দেখাতে পথ, আশ্বাসিতে প্রাণ ।

হাজারিবাগ
 জুন, ১৯১০

যখন দুর্গম পথ চলেছি দুজন
 তুমি আগে, আমি পিছে, বহু কর্মভারে
 আন্ত অবনত তনু, তবুও তোমারে
 আপনার বহনীয় করিয়া অর্পণ
 চলেছি অক্লেশে আমি। কতু অকারণ
 আমার কম্পিত হাত গেছে ধরিবারে
 তোমার সুদৃঢ় হস্ত : বিনা তিরস্কারে
 কাছে টানি বক্ষে তাহা করেছে ধারণ !
 সন্নেহ শক্তি দৃষ্টি কত শতবার
 চাহিয়াছ মুখপানে ; সে দৃষ্টির লোভে
 জানায়েছি ক্ষুণ্ড কষ্ট, আদর যতন
 পেয়েছি কত না মিষ্ট। আজ কে আমার
 ভাবে রোগ শোক ব্যথা ? আজ মরি ক্ষেতে
 দিই নাই, লইয়াছি শিশুর মতন।

৫

শোকেও ছিল না তব বিরাম কর্ষের,
 উৎসবেও জান নাই বিশ্রামের সুখ,
 আমি কি শোকের ভারে রহিব বিমুখ
 আমার কর্তব্য হ'তে ? তোমার ধর্ষের
 সঙ্গিনী করিয়া ঘোরে, আমার মর্ষের
 মর্ষে ছিল যত স্ফুর্প, স্বপনের সাধ,
 চেয়েছিলে উপাড়িতে ; ক্ষম অপরাধ,
 নিভৃতে স্বপন সেবা করেছি যা ফের ।

আজ একাকিনী দৃঃখ ঝটিকার মুখে,
 দুইথানি ক্ষীণতর বাহুর বাঁধনে
 অসহায় শিশুগুলি বেঁধে লয়ে বুকে,
 দেখ চলিতেছি পথ দ্রুত, ভৌত মনে,
 খুঁজি ইতাদের তরে মঙ্গল আশ্রয়,
 অনিদ্র আঁধির আজ নাহি স্বপ্নভয় ;

৬

যথাকালে না পেঁচিলে মোর লিপিখানি
 চিন্তাকুল হ'ত তব চিত্ত স্নেহময়,
 দিন গেল, মাস গেল, বর্ষ গত হয়,
 লও কি না সমাচার কিছুই না জানি ।
 কোন বার্তাবহ মোরে দেয় নাই আনি
 কুশল সংবাদ তব ; মুঞ্চ এ হাদয়
 আপনি বলিয়া উঠে—‘সর্ব অনাগয়,’
 আশা হয়ে আসে তার সান্ত্বনার বাণী ।

অদেহ, কি দিবাদেহ, তুমিই কি থাক
 আশাৰূপে, শান্তিৰূপে, মোৰ কাছেকাছে ?
 প্রত্যৰ্থে তুমিই মোৰে নাম ধৰে ডাক
 আৱ বল—“দৃঢ় হও, বহু কাজ আছে”—?
 সন্ধ্যাকালে শ্রান্তি আৱ চিন্তা যবে ঘিৱে,
 তুমি কি অভয় হস্ত রাখ তপ্ত শিৱে ?

৭

তখন চক্ষের দেখা দেখিয়াছ, ধৌর,
 আমার অস্তুরখানি দেখ নাই সব,
 কত লজ্জা রাখিয়াছে আমারে নৌরব,
 কত অভিমান আসি তুলেছে প্রাচীর
 উভয়ের মাঝখানে ; কত অঙ্গনৌর
 ভুল বুঝায়েছে হায় ! অনাবৃত-চিত,
 আজ দেখ ভাল ক'রে, যা ছিল নিভৃত ;
 দেহ-মুক্ত, প্রবিশ এ হৃদয়-মন্দির ।

অবারিত দৃষ্টি, আজ অতৌতের ভুল
 ঘুচে কি গেল না সব ? কোন কি বেদন
 জুড়ালনা, প্রসবিয়া নৃতন সন্তোষ ?
 কোন কণ্ঠকের পাশে ফুটেছে কি ফুল ?
 কোন সংশয়ের মূল হইল ছেদন ?
 বুঝিলে যে টুকু গুণ, ক্ষমিলে কি দোষ ?

আর নাহি মাৰখানে কিছু দৃজনার,
 বেদনা-মুখৰা বাণী, মুক অভিমান
 দূৰত্ব স্থাপিত যারা, সব তিৰোধান ;
 দৱশ পৱশ তৃপ্তি তা'ও নাহি আৱ
 ভেঙ্গেছে যা ছিল স্তুল মৃত্যুৰ প্ৰহাৰ ;
 ক্ষুঢ় হ'তে, ক্ষোভ হ'তে কৰি পৱিত্ৰাণ
 রেখে গেছে পাশাপাশি দুটি দৌপ্ত প্ৰাণ,
 সুখেৰ ভোগেৰ সাধ কৰি ভৱসাৱ ।

এত দিনে হ'লে তুমি নিত্য সহচৱ,
 সকল চিন্তাৰ মোৱ, সকল চেষ্টাৰ
 সমতাৰ্গী, সমব্যথী : দেহ তেয়াগিয়া
 আমাৰ হৃদয়পুৱে বাঁধিয়াছ ঘৱ ।
 তাই সূপাকাৰ ভম, আঁধাৱেৰ ভাৱ
 সৱিতেছে, শাস্তিউষা উঠিতে জাগিয়া ।

হাজাৰিবাগ
 ২০শে এপ্ৰিল, ১৯১১ ।

৯

যত প্রেম, যত মান তুমি মোরে দিলে,
 তার মত কিছু যেন পারি নাই দিতে,
 এই ক্ষোভ নিশ্চিন জাগিতেছে চিতে
 তোমারে হারায়ে প্রিয়। তুমিই বরিলে
 গৃহ-সিংহাসনে রাণী, তুমিই করিলে
 অতুল সম্মান মোরে সমগ্র মহৌতে
 মহৌয়সী নারী মানি ; সহিতে বহিতে
 মোর সুব দুঃখ নিজ হৃদয় ধরিলে ।

সংসারে সবার চেয়ে তুমি কাছে আসি
 লয়ে গেলে হাতে ধরে' সংসার মাঝার,
 বিচিত্র সঙ্গীত সহ যেথা কোলাহল,
 আনন্দ বেদনা সহ, অশ্রু সহ হাসি ;
 যেথা অহরহ মথি কর্ম্ম পারাবার
 মানব লভিছে নিত্য অমৃত গরল ।

১০

বিশ্বজিৎ যজ্ঞ করি হয়েছে ভিখারী
 যেই রাজা, বিলাট্যা জয়লক্ষ ধন,
 শৃঙ্গ করি পূর্ণ কোষ, ত্যজি রত্নাসন
 বসিয়াছে কুশাসনে, ফল মূলাহারী,
 রাখিয়াছে মৃৎপাত্রে পিপাসাৰ বারি,
 সেই ছিল বিশ্বজয়ী। দীন সেই জন,
 জুষ্ঠিতে লইতে জানে, দিতে যে কৃপণ ;
 সে তো কুন্দ ভাঙ্গারেৱ ক্ষুধার্ত ভাঙ্গারী।

এত তুমি দিয়াছিলে, দুই হাত ভরি
 কেবল লয়েছি আমি ; শেষে একদিন
 বুঝি তুমি দেখেছিলে কি দরিদ্রপ্রাণ,
 বুঝে নিলে নহি আমি রাজরাজেশ্বরী।
 শ্মিত মুখ দেখিলাম বিশ্বয়ে মলিন,
 কাঁপিল আমাৰ কষ্ট থেমে গেল গান।

হাজারিবাগ

১২ই নবেম্বৰ, ১৯১১।

১১

ব্যথা যদি দিয়ে থাক শতগুণ তার
 আপনি পেয়েছ ব্যথা । পীড়িত সন্তান
 জননীর শুশ্রার দেয় প্রতিদান
 শুনায়ে কঠিন ভাষা । যত তিরঙ্কার
 যত অসহিষ্ণু বাণী জানা আছে মাঝ—
 যন্ত্রণার আর্তনাদ । ত্যজি অভিমান
 তাই তার ক্ষতস্থান করিয়া সন্ধান
 করে দেন স্নেহলিঙ্গ, শান্তি বেদনার ।

আমি দেবতার মত হৃদাসনে তব
 চেয়েছিলু চিরপূজা ; দৃষ্টি দেবতার
 আমার ছিল না প্রিয়, কিছু দিনে তাই
 পূজকের অনাদরে শিক্ষা অভিনব
 লইতে হইল মোর । নিজ দুঃখভার
 জানাইল তব দুঃখ, আগে জানি নাই ।

হাজারিবাগ

১৪ই নবেম্বর, ১৯১১ ।

১২

ভুলিবার ভুলাবার কোথা অবসর ?
 সাধ করে চোখ ঢাকা তাও হ'ল শেষ ।
 তুমি দেখিতেছ সত্যে শুভ নগ্ন বেশ,
 অলজ্জিত শিশুসম, শোভন সুন্দর,
 আমিও দেখিছি তারে ; আর অতঃপর
 অপরেরে ভুলাইতে করিব কি ক্লেশ ?
 কৌতুহল দৃষ্টি যদি লভয়ে প্রবেশ
 মোদের জীবন ছুর্গে, নাহি লাজ ডর ।

পঞ্চদশ বৎসরের মিলিত জীবন
 ছিলনা তো একখানি স্বপনের মত
 অক্ষয় অমৃতসিক্ত । প্রেমের গগনে
 কত রৌদ্র, কত মেঘ, বজ্র বরিষণ,
 কত বিহ্যতের হাস, চন্দ্রালোক কত,
 দেছে দেখা, প্রতিচিত্র আঁকা আছে মনে ।

হাজারিবাগ
 ১৫ই নবেম্বর, ১৯১১ ।

১৩

মাগিয়াছি দেবতার কাছে প্রতিদিন
 যেই বর, এত দিন এত বর্ষ পরে
 রোবে বা বিজ্ঞপচ্ছলে, কিবা স্নেহভরে,
 দিলা মোরে বিশ্বমাতা। ছটি স্নোতঃ ক্ষীণ
 মিশে লভে প্রসারতা, একে অন্ত্যে লৌন,
 এক বর্ণ, এক স্বাদ, এক নাম ধরে ;
 সেই একাত্মত রূপ একান্ত অস্তরে
 চাহিয়াছি, পাই নাই, প্রেম পুণ্যহৌন।

আজ বহে দুঃখনদী ভাসায়ে ছ'কূল,
 আজ কি সে বেড়ে গেছে প্রীতির প্রসার ?
 অতীত সে আমি হ'তে ভিন্ন, পূর্ণতর
 এ আমারে এত দিন করেছি কি ভুল ?
 কবে মিশে গিয়েছিলু দোহে একাকার,
 মিলিত দোহারে কেন ভেবেছি অস্তর ?

১৪

সমাপ্ত তোমার পাঠ না ফুরাতে বেলা,
হে সহপাঠিন्, তাই পাঠযাছ ছুটি,
আমার শুধিতে বাকী বহু ভুল, ক্রটি ;
খেলা ভাবি কাজে আমি করেছিলু হেলা,
কাজ ভাবি কতবার করিয়াছি খেলা ;
জীবনের খাতাখানি ভরা কাটাকুটি,
যত মুছি কাল রেখা তত উঠে ফুটি,
দেখিতেছি সন্ধ্যাদৌপ জালিয়া একেলা ।

শূন্ত পাঠগৃহে চিন্ত উদাস ব্যাকুল
নিয়োজিতে হবে পাঠে । হয়তো আবার
প্রভাতের সঙ্গিদের গীত প্রতিধ্বনি
ফিরিয়া আসিবে কানে, করাইবে ভুল,
হয়তো অঙ্গাতসারে নয়নের ধার
মুছে দিবে নবলেখা, বাঢ়িবে রজনী ।

১৫

বাণীর মন্দির হতে ডেকে নিয়ে এলে
 যে আলয়ে, তারে বটে জানিতাম মনে
 পুণ্যের আশ্রম বলি ; তবু ক্ষণে ক্ষণে
 বলিয়াছি—“আস্তা মোর দেবধাম ফেলে
 নেমেছে মাটির মর্ত্ত্য ; হেথা নাহি মেলে
 উদার আকাশ মুক্ত, উর্ধ্ব বিচরণে ;
 কল্পনা লুঞ্ছিতা ধূলে, ক্ষুণ্ড গৃহাঙ্গনে,
 যেন পঙ্কী শৃঙ্খলিত, মৃগী বিন্দ শেলে ।

নৌতির আসনে রৌতি ; প্রীতি বড় নয়,
 খ্যাতি বড় ; তুচ্ছ দান করিছে বড়াই,
 ত্যাগযজ্ঞে মৌনাহৃতি দেখিবার তরে
 নাহি দৃষ্টি ; আছে ভিক্ষা, জেগে আছে ভয় ।”
 আজ জানি, এখানেই দেবধাম পাই,
 দেবতারে দিলে ঠাই ক্ষুণ্ড এই ঘরে—
 আপন অন্তরে ।

১৬

দীর্ঘ সপ্তদশবর্ষ আসিয়াছি চলি’
 একাকিনী। কতু শ্রদ্ধ, ভাবনা বিহুল,
 কতু লভি অক্ষয়াৎ দুজনার বল,
 জানিনা কেমনে। কত আশা গেছে ছলি,
 মৃত্যু কেড়ে নিয়ে গেছে স্নেহের পুতলি,
 প্রাণ হ’তে প্রিয়তর। মুছি অঙ্গজল,
 চাহি সম্মুখের পথ চলেছি কেবল,
 বিচ্ছেদের অবসান আছে—এই বলি।

বিচ্ছেদের অবসান ? মৃত্যু পথ দিয়া।
 অনন্ত নির্বাণ কিম্বা মিলন মধুর
 দুই হ’তে পারে। আমি ভিখারী স্নেহের
 চাহি মিলনের সুখ। বিরহ সহিয়া
 ন। যদি তা পাই কতু, তবে তো নিঝুর
 প্রেমের দেবতা, ব্যর্থ জীবন দেহের।

কলিকাতা

১৯শে অক্টোবর, ১৯২৬।

১৭

প্রিয়তম, বিচ্ছেদের আছে অবসান,
হেথায় পেয়েছি বহু তার পূর্বাভাস।
তবু কভু ঢাকি আঁখি করি অবিশ্বাস,
না শুনি অন্তরবাণী ; জ্ঞান, সন্দিহান,
সত্যেরে কল্পনা বলি করে প্রত্যাখ্যান।
একদিন নিশ্চয় সে হইবে প্রকাশ
সন্দেহ অতীতক্রমে। দেহ হলে নাশ
আঁত্বা পাবে দৃষ্টি নব—মরণের দান।

আজ অঞ্চ-আবরিত ক্ষীণ দৃষ্টি লয়ে
সেই সুদিনের তরে চেয়ে আছি পথ।
মোর দীর্ঘ তপস্থায় করুণার্জ হয়ে
দেবতা করুন পূর্ণ এই মনোরথ—
সেবি এই ধরণীরে, স্মৃথ দুঃখে ভরা,
লোকান্তরে হই তব সখী যোগ্যতরা।

জীবন পথে

৬

মোহাম্মদ



জীবন পথে

বাবা শুল

বহুর ভিতরে

পেয়েছিলু আশীর্বাদ করেছিলু আশা
আমার জীবনে হবে পূর্ণ কোন দিন
সেই সুমঙ্গল বাণী । যত স্নেহ খণ
আনন্দে করিব শোধ ; মোর চিহ্ন ভাষা
বহি লয়ে যাবে দূরে মোর ভালবাসা
পশি বৃহত্তর স্বোত্তে ; যদিও সে ক্ষীণ
পার্বতী সরিঃ যথা, নিজে নামহীন
নগণ্য, মিটাবে তনু কাহারো পিপাসা ।
আপনার যতটুকু ঢালিব নিঃশেষ,
লুপ্ত ক্ষুদ্র স্বার্থ সুখ, বহুর ভিতর
বাড়াইয়া শক্তি ভক্তি, চেতনা, সাধন ;
নাম ধাম, জ্ঞাতি গোত্র, জাতি জন্ম দেশ
সব ভেসে গিয়ে রবে শুক্র, অনশ্বর
বিপুল জীবন নদ, সত্য সনাতন ।

ভাবুকের ভূল

হয়তো করেছি ভূল, স্বপ্নাকুল মন
 যা পেয়েছি তার চেয়ে বেশী কিছু খঁজি;
 উপেক্ষিয়া শুভযোগ, হয়তো না বুঝি
 অনাগত টৃষ্ণ তরে করি প্রাণপণ
 চলেছি বন্ধুর পথে; ফেলে সত্য ধন
 রঙ্গীন মিথ্যার বোঝা করিয়াছি পুঁজি;
 শেষে শ্রান্ত, সংশয়ের সাথে যুবি যুবি,
 চাহিয়াছি উক্তাসম ত্যজিতে স্বগণ।

তবু চেয়েছিলু শ্রেষ্ঠে। অনেকের আশ
 মেটে যেই স্তুল তোগে, ভাবি কাদা মাটী
 তারে ফেলে চাহিয়াছি সূক্ষ্মতর কিছু
 চাঁদের আলোর মত, মিটাতে পিয়াস
 অন্তরের। এবে জানি বাতুলতা খাটী
 স্তুল ফুল ফেলে ছোটা সৌরভের পিছু।

শিশু সেতু

একটি শিশুর হাসি যেন মায়াজালে
 জ্যোৎস্নায় ভরে দেছে সমস্ত জীবন,
 কোথা হতে এল এই আনন্দ প্রাবন ?
 জ্ঞানে, পুণ্যে, কিছুতে কি নারী কোন কালে
 লভে এ অমৃত স্বাদ ? রমণীর ভালে
 লিখেছিলে যত দুঃখ, বেদন, ভাবন
 সব ভুলাইতে, বিধি, দিলে কি এ ধন ?
 স্বর্গের সুষমা আনি ওমুখে মাথালে ?
 দেহে মনে বহে নব স্নেহের জোয়ার,
 সন্তানের পিতা বলে' পতি প্রিয়তর,
 দুই হৃদয়ের মাঝে যতটুকু ফাঁক
 ক্ষুদ্র শিশু হয়ে এল দৃঢ় সেতু তার ;
 যত কিছু দাবী দেনা শেষ অতঃপর
 দুই প্রেম একাধারে পশি মিশে যাক ।

মাতৃ-জন্ম

পূর্ণিমে, হেমস্ত শেষে শুভপূর্ণিমায়
 আনন্দ প্লাবিত করি আলোকিত ধাম
 দেখা দিলি, মাতামহী তাই দিলা নাম ।
 আমারো হৃদয় তাতে দিয়া ছিল সায় ;
 পূর্ণিমার মত শিশু হউক ধরায়—
 বিধাতার পদে মোর এই মনস্কাম
 নিবেদিষ্য । সেই রাত্রে আমি লভিলাম
 মহনীয় মাতৃ-জন্ম—তাঁরি করণ্যায় ।
 নারী হৃদয়ের শুশ্র ঐশ্বর্যের দ্বার
 দিলি খুলে ক্ষুজ্জ হাতে ; করি তোর দাসী
 শিখালি সেবার স্বুখ ; পশি কবি-চিতে
 ভরে দিলি তারে স্নেহে ; তাই গীতধার
 উচ্চ সপ্তকেরে ছেড়ে ধীরে নামে আসি
 মধ্যমে, গুঞ্জনে—গুধু তোরে তুলাইতে ।

লোকান্তরিতা সোদরার প্রতি

১

অয়ি স্নেহময়ি, তুমি ছাড়ি ধরাধাম
 কোন্ আলোকের লোকে বাঁধিয়াছ গেহ,
 নাহি দেখি, নাহি শুনি ; নাহি আসে কেহ
 লয়ে তথাকার বাঞ্চা । এমনি আরাম
 মিলে সেথা, আত্মা সেথা হেন পূর্ণকাম,
 কিছুই চাহেনা আর ?—পৃথিবীর স্নেহ
 তুচ্ছ লাগে ?—ছিড়ে যায়, যায় যবে দেহ,
 সকল সম্বন্ধ, রহে ‘পতি’ ‘পিতা’ নাম ?
 অথবা অদেহী যারা থাকে কাছে কাছে,
 আমাদেরি অঙ্ক চক্ষুঃ দেখিতে না পায়,
 আমরাই ভুলে থাকি, ছদিনের শোক
 ঝেড়ে ফেলি, অঙ্ক গুছি, ছায়া স্থৰ পাছে
 ছুটে মরি—ধরি ধরি ধরা নাহি যায়—
 তোমরা লভেছ নিত্য আনন্দ-আলোক ।

লোকান্তরিতা সোদরার প্রতি

২

ওগো সতি, গৃহলক্ষ্মী, গৃহশূণ্য করি
 গিয়াছ যে দিন, আজ গেল তারপর,
 ছই বর্ষ। তোমার সে গৃহ অভ্যন্তর
 কাঁদিচে তোমার লাগি, আজ দাও ভরি
 তব অধিষ্ঠানে তারে; আজ সবে বরি
 আবার তোমারে সেই নববধূ রূপে;
 আজ মালা চন্দনেতে গন্ধে আর ধূপে
 সুবাসিত হোক্ গেহ, অদেহ-সুন্দরি।
 বর্ষ শেষে, যে শয্যায় মাতৃত্বের ক্লেশ
 ব্যথিয়াছে তোমার সে তঙ্গু সুকুমার,
 দিব্য শিঙ্গ কোলে লয়ে সে শয্যার 'পরে
 বস' এসে সুহাসিনি। হইয়াছে শেষ
 দেহের বেদন যত, যত অঙ্গ-ধার,
 জাগে শুধু মাতৃ-স্নেহ নয়নে অধরে।

কলিকাতা

১৯শে ফেব্রুয়ারী, ১৯০৫

সিন্ধুর প্রতি

বিশাল হৃদয় হ'তে ও কি হাহাকার
 উঠিতেছে অবিরত, অনন্ত বেদন
 ওহে সিন্ধু ? দিবানিশ চাহ সে কি ধন
 টানিয়া লইতে বুকে, যাহে ধারবার
 সহস্র তরঙ্গ বাহু করিয়া প্রসার
 ফিরায়ে আনিছ শৃঙ্খল, বিফল যতন ?
 তোমাতে নিহিত আচে এত যে রতন
 অনাদৃত, উপেক্ষিত সমস্ত তোমার ?
 যাহারে ধরিতে চাত ধরা সে কঠিন,
 তিল তিল ভিক্ষা দেয়, সব আপনারে
 সঁপে নাই, সঁপিবে না বুঝি কোন দিন ;
 অস্বচ্ছ হৃদয় তার বুঝিছনা তারে,
 তাই কি বেদনা তব ? অতলেও হায়
 অতৃপ্তি আকাঙ্ক্ষা কাঁদে আশা নিরাশায় ?

পুরী

এপ্রিল, ১৯০৯।

অভ্য দৈব

জীবনের সুধাপাত্র নিঃশেষে ভরিয়া
 ভাবিছু করিব পান, চেখে চেখে ধৌরে—
 তুলিয়াছি পূর্ণ পাত্র অধরের তৌরে,
 সহসা দৈবের হস্ত সে পাত্র ধরিয়া
 টানিল সবলে, গেল ধূলায় পর্ড়িয়া
 বেশী তার ; লবণাক্ত তপ্ত অশ্রুনৌরে
 মিশিল যে টুকু ছিল বাকী । তাই ফিরে
 তুলিছু ওষ্ঠাগ্রে,—আহা যতন করিয়া ।
 বদল হয়েছে হায় তার পূর্ব স্বাদ,
 হায় তার মাদকতা কিছু আর নাই ।
 হে অভ্য দৈব, পরিহাস সুচতুর,
 একলা হাসিতে শুধু সাধিলে এ বাদ ;
 হাসিবেনা অন্ত কেহ ; রসিকতা ভাই
 ব্যর্থ তব । সর, আমি মৃত্যু নিজাতুর ।

অভিমানে

অভিমানে অবিনীতি আমার হৃদয়
 বলেছিল—“ভুল ! ভুল ! তায় বশুন্ধরা,
 ভুলের গোলকধাধা, পওশ্চমে ভরা,
 কোন্ বৌজে জন্মাইলি এত দুঃখময়
 মানবেরে—? শক্তিহীন বাসনা-সংগ্রহ,
 এক সাথে জন্ম বৃদ্ধি, এক সাথে মরা
 জীবনের, কামনার ; ফোটা আর ঝরা
 রাশি রাশি কুসুমের, ফল নাহি রয়।
 নিষ্ঠুর সৌন্দর্য তব ; জননীর প্রাণ
 থাকে যদি তোর মাঝে, লয়ে অচেতন
 তরুলতা, পতঙ্গ কৌটিক, অল্প-আয়ঃ
 কর খেলা চির দিন, দৃশ্য শক্তি জ্ঞান
 দেখা তোর বিধাতার। মানব জীবন
 কেন গড়াইলি দিয়া রক্ত মাংস স্নায়ু ?

অনন্ত আশ্রয়

বহু দুঃখ দেছ বলি করি অভিমান
 ফিরায়ে কি রব মুখ, তে আমার নাথ,
 ঠেলে প্রসারিত বাহু ? সহায়ে আঘাত
 অবশেষে এনে যদি থাক অন্ত দান
 আনন্দ কি আশীর্বাদ—করি প্রত্যাখ্যান
 চলে যাব ? না, না, প্রভো, জুড়ি দুই হাত
 দাঢ়াইন্তু নত শির ; তব নজুপাত,
 অমৃত বর্ষণ কিবা, সমান কল্যাণ !
 আনন্দ দিয়াছ যত সে তো পুরস্কার
 নহে মোর কোন পুণ্য কোন যোগ্যতাৰ,
 বেদনা দিয়াছ যত তাও সব নয়
 আমার পাপের শাস্তি । ওহে পূর্ণ-জ্ঞান,
 পূর্ণ-প্রেম, কি বুঝিব তোমার বিধান ?
 শুধু বুঝি তুমি মোর অনন্ত আশ্রয় ।

ভিক্ষা ত্যাগ

চাহিতে আসিনি আজ, এসেছি গো দিতে,
 চিরদিন দৈন হীন, ভিখারীর বেশে,
 দাও দাও বলে তব দুয়ারেতে এসে
 কেবলি করেছি ভিক্ষা । আজ মোর চিতে
 তাটি জাগিতেছে লজ্জা । সুন্দর মহীতে
 এত সুখ এত শোভা, নিমেষে নিমেষে
 নবীন, নবীনতর ; সব যায় ভেসে,
 সঞ্চিতে শিখিনি প্রাণে, শিখেছি কাঁদিতে ।
 হে সুন্দর, চির শান্ত, চির পুরাতন
 নিয়ত নবীন রূপে এ প্রাণ মন্দিরে
 থাক প্রতিষ্ঠিত ; আমি নিত্য নতশিরে
 প্রণমিয়া তব পদে করি নিবেদন
 যা কিছু পেয়েছি আমি, দিবার মতন ;
 তুমি যা লইবে আমি চাহিব না ফিরে ।

অঙ্গর প্রদীপ

তব কাছে, হে অনন্ত, দূর কাছে নাট,
 জনম মরণ ঠেলি বাড়াইলে হাত
 তোমারেই হাতে ঠেকে । অগ্র ও পশ্চাত,
 ইহ-পর, দেশ কাল, মিশে এক ঠাই
 তোমাতেই ; তোমা ছাড়ি খুঁজিবারে যাই
 যাহা কিছু বিশ্বে তব, ওহে বিশ্বনাথ,
 শুন্তে যায় মিলাইয়া ; সব এক সাথ
 মিলে মোর, যে মুহূর্তে স্পর্শ তব পাই ।
 স্পর্শ সেই চিরদিন এ তপ্ত হৃদয়
 জুড়াক প্রলেপ সম ; কবচের মত
 শোক শরাঘাতে মোরে রাখুক অক্ষত ;
 দুর্গম এ গিরিপথ, বর্ষ-তাপ-ময়,
 চলি গান গেয়ে । নাথ, সন্ধ্যা বাড়ে যত
 জ্বল এ অস্তরে মম, প্রদীপ অঙ্গর ।

কলিকাতা

জুন, ১৯১৪ ।

ମାନସୀ ପ୍ରତିଷ୍ଠା

ଭାକ୍ଷର ବା ହଟୀମ ଯଦି ଚିତ୍ରକର,
 ତୋମାର ପ୍ରତିଷ୍ଠା, ପୁତ୍ର, ସେତାମ ରାଖିଯା
 ଧବଳ ପ୍ରକ୍ଷରେ କୁଣ୍ଡି, ଅଥବା ଆଁକିଯା
 ଚିତ୍ରପଟେ ; ତହୁପରି ଜୋତିଃ ମନୋହର
 ଦିତାମ ଢାଲିଯା ସେଇ, ନିଭୃତ ଅନ୍ତର
 ଉଜଳି, ଉଛଲେ ଯାହା ଥାକିଯା ଥାକିଯା
 ଦେହ କୂଳେ, ଦେଯ ତାରେ କି ଯେନ ମାଖିଯା,
 ଢାକିଯା ସର୍ବାଙ୍ଗ କରେ ଅନିନ୍ଦ୍ୟ ସୁନ୍ଦର ।
 ଦେଖେଛି ଆନନ୍ଦ ତବ ସେ ରୂପ-ଆଭାସ,
 ଆମାର ଶ୍ଵରଣେ ଆଜୋ ରଯେଛେ ତା ଜାଗି,
 ଆମାରି ଶ୍ଵରଣେ ହାୟ, ହେନ ଶକ୍ତି ନାହିଁ
 ଆଲେଖ୍ୟ ପ୍ରକ୍ଷରେ ତାହା କରି ପରକାଶ ;
 ତବୁ ସକଳେରେ ତାହା ଦେଖାଦାର ଲାଗି
 ଆମାର ବ୍ୟଥିତ ପ୍ରାଣ ବ୍ୟାକୁଳ ସଦାଟି ।

କଲିକାତା
 ଆଗଷ୍ଟ, ୧୯୧୪ ।

বসন্তাগমে

বসন্ত কি সহসা এ নির্জন আবাসে
 পশিয়াছ চুপি চুপি ? নবীন পল্লবে
 সাজিয়াছে তরুরাজি । ঝেড়ে দিলে কবে
 পুরাতন জীর্ণপত্র ? শীতল বাতাসে
 বাতাবি ফুলের গন্ধ ধীরে ভেসে আসে
 আমাৰ গবাঙ্ক পথে ; ঘন কুহুৰবে
 মুখৰিত আত্মবন,— বসন্তই হবে ।
 উদ্যান উজ্জল শত শ্বেত পুষ্প হাসে ।

আজি ও ধৱণী মোৱে রেখেছে ধৱিয়া
 তাৰ স্বৰ্ণ কাৰাগারে । বৰ্ণ গন্ধ গানে,
 রসে স্পর্শ দিতে চাহে দেহে আৱ চিতে
 নব প্ৰাণ, কিন্তু হায় নিঃশেষে ভৱিয়া
 কই দিতে পাৱে, মধু ? দূৰে কোন্থানে
 থাকে অদেহীৱা, বঁধু, পাৱ বলে দিতে ?

বিচ্ছেদের সফলতা

গাছের যে পাতা ঝরে, মৃত্যু হয়ে পার
 সে কি সেই গাছে ফিরে ? তরু যদি রয়,
 বর্ষে বর্ষে জন্মে তাহে নব কিশলয় ;—
 বৃক্ষের জীবন সে কি জীবন পাতার ?
 এক যায় বহু থাকে, বহু মাঝে তার
 অমরত ? হায়, হায়, মায়ের হৃদয়
 তৃপ্ত নাহে এ আশাসে । ওহে প্রেমনয়,
 বিশ্বপিতা, ঘুচাও এ বেদনার ভার ।
 সে যদি আমার তরে না থাকে জাগিয়া,
 মোর অমরতা লয়ে কোন্ প্রয়োজন ?
 দিতে নাই, নিতে নাই, পূর্ণ আপনাতে
 যে চাহে থাকিতে থাক ; আমার লাগিয়া
 রেখো অপূর্ণতা, তৃষ্ণা, দানের গ্রহণ,
 বিচ্ছেদের সফলতা—মিলন প্রভাতে ।

নিত্য স্মৃত

কতুরপে করি পূর্ণ এ ধরণী তলে
 তোর শৃঙ্গ স্থান আমি। আনন্দ উৎসবে,
 গীত বাড় সম্মিলিত বাল-কলরবে
 তোর কণ্ঠখনি লাগি মোর বক্ষঃস্থলে
 ব্যাকুল বেদনা জাগে, আমি নানা ছলে
 মনেরে ভুলায়ে বলি—যত দিন ভবে
 আমি আছি সে আমার দূরে নাচি রবে,
 হয়তো ফিরিছে হেঠা মিশি সঙ্গি দলে।

সঙ্কট সাগরে যবে কিনারা না পাই,
 বিপদ বারণ হরি করিতে স্মরণ
 অমনি তোরেও ডাকি ; কভু মনে হয়—
 ক্ষুদ্র আমি, তুচ্ছ আমি দেবতার ঠাই,
 কিন্তু রে জননী তোর, তুই প্রাণপণ
 আমারে ধরিবি তুলে—তাকি সত্য নয় ?

পুকুলিয়া,
 ১৪ই জানুয়ারী, ১৯১৬।

মাঘের চতুর্থ দিন

মাঘের চতুর্থ দিন এল আজ ফিরে,
 নানা ভাবনায় ভরা এ আমার চিতে
 পঞ্জদশ বরষের স্মৃতি জাগাইতে।
 উনবিংশ বরষের আশীর্বাদ শিরে,
 পার হয়ে ব্যবধান এ ধরণী তৌরে
 এস নামি, হে কুলেন্দু ; প্রভাতী সঙ্গীতে
 মিলাও তোমার কঠ ; ভাই ভগিনীতে
 যেমন বসিতে বস' ঘিরে জননীরে।

আমার এ দেহ হতে তব শিশু দেহ
 পেয়েছিল এ ধরায় নিজরূপ তার,
 এখন অত্ম তুমি যাবে বিনা দানে ?
 হৃদয় পাতিয়া পুত্র লও মার স্নেহ,
 তোমার কল্যাণ চিন্তা ; বেশী কিছু আর
 থাকে যদি এ আস্ত্রায় লও নিজ প্রাণে।

কলিকাতা

১৭ই জানুয়ারী, ১৯১১

কন্তা বিরহে

প্রতিবেশ-গৃহে আজ ছহিতার বিয়া
 প্রভাতে দুয়ারে বাজে নহবত তাই ;
 এতো আনন্দেরি বাস্তু ; তবু কেন পাই
 বিষাদের শুর এতে ?—যেন মাতৃ-হিয়া
 কন্তাৰ বিৱহ ভাবি উঠিছে কাঁদিয়া,
 জাগায়ে আমাৰ প্ৰাণে আমাৰ যা-নাই—
 কন্তা লাগি চিন্তা ভয়,—গেছে যা ঘুচিয়া ?

এক নিশাকালে আমি দিয়াছি বিদায়
 সাজাইয়া শুভফুলে, সদৃ প্ৰশুটিত
 পুষ্পসম স্বকুমাৰ, পবিত্ৰ নিৰ্মল
 আমাৰ ছহিতাৰতু । যত দিন যায়,
 বিচ্ছেদেৰ এতদিন হইল অতীত—
 ভাবি আমি প্ৰাণে পাই বাঁচিবাৰ বল ।

৪ঠা সেপ্টেম্বৰ, ১৯২০ ।

কন্তা বুলবুলের প্রতি

সুচরিতে, মাঝে মাঝে ইহাদের পানে
 ফিরাইও সেই তন স্নেহ দৃষ্টি থানি ।
 আঁখি না দেখিবে তাহা, তব আমি জানি
 হৃদয় উন্মুখ হবে হৃদয়ের টানে ।
 অদ্যাশ্রে অগৃতসেক ধূলিশায়ৌ প্রাণে
 দিবে ধোত স্নিঙ্ক করি । যদিও বা বাণী
 নাহি পশে ক্ষতি পথে, তব অনুমানি
 নৌরব আশীর গৃহ ভরিবে কল্যাণ ।
 আনন্দ নিলয় হতে এলে অনুভরি
 মলিন আদাসে এই ক্ষণেকের তরে,
 স্নেহ করুণার খনি তোমার হৃদয়
 জানি আমি বেদনায় উঠিবেক ভরি ;
 সে বেদনা দিব্যজনে দিব্যাতর করে,
 তাই হেথা আস্থানিতে নাহি গোর ভয় ।

অন্ত প্রেম

যত দাও, অযাচিত আনন্দে আশায়
 উচ্ছৃঙ্খিত চিত গাহে তব যশোগান,
 আপন আনন্দ হৃদে অপূর্ব অম্লান
 নেহারে তোমার ছায়া ; অপূর্ণ ভাষ্যায়
 জানায় সে কৃতজ্ঞতা ; মনে তয় পায়
 আপন প্রেমের মাঝে নিগৃহ সন্ধান
 গোপন প্রেমের তব ; তব স্নেহ-দান
 নির্ভয়ে ভুঁজিবে ভাবি যত পায় চায় ।

হায়রে অন্ত প্রেম, দানে অভূপদ,
 ফিরে নিতে ক্ষিপ্রহস্ত বিনা বিধা লেশ !
 মানবের নিষ্ঠুরতা মানে পরাজয়
 তব বিধানের কাছে ! হে শান্ত, নির্মম,
 না চাহিতে দাও, সে কি হারাবার ক্লেশ
 শিখাবে একান্ত তাই ? আর কিছু নয় ?

কলিকাতা

১ই ফেব্রুয়ারী, ১৯২৭ ।

ଘୋର ରହ୍ୟ

କୋମଳ ମାୟେର ବୁକେ ହାନିତେଛ ଅସି
 ସନ ସନ । ତୌଳ୍ଣ, ତୌତ୍ର, ନୌରବ ଆଧାତ
 କତ ଯେ ବେଦନା ଦେଇ, ଅନ୍ତର୍ୟାମୀ ନାଥ,
 ଦେଖନା କି ନିଶିଦିନ ଅନ୍ତରେତେ ବସି ?
 ଆଛ ଯବେ ଏତ କାହେ, ତବ ମାଝେ ପଶି
 ତୋମାରେ ବ୍ୟଥେନା ଇହା ? ରୋଷେ ରକ୍ତପାତ
 କରେ ଯେ ନୃଶଂସ ନର, ଜେଗେ ଅକ୍ଷ୍ମାଂ,
 ଚମକେ ତାହାରୋ ବୁକ, ଅନ୍ତ୍ର ପଡ଼େ ଥିବି ।

ହେ ନିଷ୍ଠୁର, ହଞ୍ଚ ତବ ସ୍ଵେଚ୍ଛାୟ କଠୋର ।
 ଗଡ଼େଛ ମାୟେର ହିୟା ଯେ ମମତା ଦିଯା
 କୋଥା ସେ ମମତା-ଖଣି ? ଯଦି ତାର ସ୍ଥାନ
 ଗଭୀରେ ତୋମାରି ମାଝେ, ଏ ରହ୍ୟ ଘୋର
 ବୁଝିନା ତୋ । ଶୁଦ୍ଧ ନାହିଁ ଭାଙ୍ଗିଛ ଗଡ଼ିଯା,
 ବ୍ୟଥା ଦେବେ ବଲେ' ଦେଛ ସଚେତନ ପ୍ରାଣ ।

এক ভিক্ষা

আমার অস্তরে ছিল কি যে লজ্জা ভয়,
 চলি নাই পুরোভাগে, চলি নাই সাথে,
 চলিয়াছি নতুনির সবার পশ্চাতে,
 শুধু জানিয়াছি মনে এ জীবন নয়
 কেবল খেলার ছুটী। জ্ঞানের সংশয়,
 পুণ্যের সাধন লাগি বিধাতার হাতে
 জলন্ত অক্ষরে লেখা হৃদয়ের পাতে
 পড়িয়াছি আজ্ঞালিপি, করি না সংশয়।

সে আজ্ঞা পালিতে সাধ্য আছে কি না আছে
 সংশয় জাগিত চিতে, নিশ্চিন তাই
 কহিয়াছি, হে স্বামিন् যাহা নিদেশিলে
 করিতেছি শিরোধার্য ; ভিক্ষা এই আছে—
 পালিতে নিদেশ যোগ্য শক্তি যেন মিলে,
 জীবনে বহিতে মৃত্যু তাও না ডরাই।

